



Broj: 08-01-03/2-11-2-2107-12/26

Dana: 09.09.2026. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14 i 49/23), na Preporuku Komisije za javne nabavke roba, usluga i radova iz Zapisnika o pregledu i ocjeni ponuda broj: 08-01-03/2-11-2-2107-11/26 od 08.09.2026. godine, u postupku javne nabavke za "Nabavka klima uređaja", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača "INTER-COM" d.o.o. Zenica, za "Nabavka klima uređaja"

Član 1.

Prihvata se Preporuka Komisije za javne nabavke roba, usluga i radova (u daljem tekstu: Komisija), iz Zapisnika o pregledu i ocjeni ponuda broj: 08-01-03/2-11-2-2107/26 od 08.09.2026. godine i ugovor za "Nabavka klima uređaja", dodjeljuje se ponuđaču "INTER-COM" d.o.o. Zenica, sa ponudom broj: 08-01-03/2-11-2-2107-8/26 od 01.09.2026. godine i ponudnom cijenom u iznosu od 4.700,00 KM bez PDV-a, u koju je uračunat popust ostvaren na E-aukciji u iznosu od 20,47%.

Član 2.

Odabrani ponuđač dužan je u roku **od 5 (pet) dana** od dana zaprimanja ove Odluke, ugovornom organu dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- izvod iz kaznene evidencije Suda BiH i izvod nadležnog suda prema sjedištu ponuđača, da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; Napomena: Prema stavu Agencije za javne nabave, potrebno je dostavljanje oba uvjerenja! Ponuđač je dužan dostaviti uvjerenje izdato od strane Suda BiH, kao i uvjerenje suda nadležnog prema svom sjedištu, iz kojeg je vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz članka 45. stav (1) tačka a) ZJN. Nije prihvatljivo uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji nije nadležan prema sjedištu ponuđača.
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Član 3.

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Na osnovu Odluke o pokretanju postupka broj: 08-01-03/2-11-2-2107/26 od 11.08.2026. godine i Obavještenja o nabavci broj: 488-1-1-43-3-59/26 od 12.08.2026. godine, proveden je postupak javne nabavke za "Nabavku klima uređaja". Procijenjena vrijednost nabavke je iznosila 5.982,91 KM bez uključenog PDV-a. Sažetak obavještenja o nabavci broj: 488-1-1-43-3-59/26 objavljen je dana 21.08.2026. godine u "Službenom glasniku BiH", broj: 61. Komisija za javnu nabavku imenovana je Rješenjem o imenovanju Komisije za javnu nabavku broj: 08-01-03/2-11-2-2107-1/26 od 12.08.2026. godine.

Komisija je sačinila Zapisnik o prijemu ponuda broj: 08-01-03/2-11-2-2107-9/26 od 02.09.2026. godine i Zapisnik sa otvaranja ponuda broj: 08-01-03/2-11-2-2107-10/26 od 02.09.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda, o čemu je sačinila gore pomenute Zapisnike, iz kojih je utvrđeno da su do roka određenog za dostavljanje ponuda 6 (šest) ponuđača prijavilo na predmetno javno nadmetanje, i to ponuđači: "A/C SERVIS" GOLEMOVIĆ BOJAN S.P. Banja Luka, "ENERGO CENTAR" d.o.o. Laktaši, „MOON“ d.o.o. Zenica, „IMTEC“ d.o.o. Sarajevo, „M MONTAGE“ d.o.o. Banja Luka i "INTER-COM" d.o.o. Zenica.

Nadalje, Komisija je sačinila Zapisnik o pregledu i ocjeni ponuda broj: 08-01-03/2-11-2-2107-11/26 od 08.09.2026. godine, te utvrdila da:

- Ponuda ponuđača „MOON“ d.o.o. Zenica nije prihvatljiva budući da je ponudu potpisalo lice Dženan Smajlović za koje je u ponudi dostavljena punomoć/ovlaštenje koje nije potpisano od lica ovlaštenog za zastupanje prema podacima iz sudskog registra (Adnan Baručija), te stoga ponuda ne ispunjava uslove iz tačke 14.10. tenderske dokumentacije u pogledu dostavljanja ovlaštenja za zastupanje ponuđača;

- Ponuda ponuđača „M MONTAGE“ d.o.o. Banja Luka nije prihvatljiva budući da nije izvršeno numerisanje svih strana ponude na način zahtijevan tačkom 14. tenderske dokumentacije, odnosno aktuelni izvod iz sudskog registra koji je dostavljen u ponudi i koji ima 10 stranica nije numerisan, odnosno neumerisana je samo prva stranica.

Pored toga ponuda ovog ponuđača ne ispunjava zahtjeve u pogledu opisa predmeta nabavke i tehničkih specifikacija. Ponuda ponuđača „M MONTAGE“ d.o.o. Banja Luka na strani 10 sadrži tehničke karakteristike ponuđenog uređaja, te ne sadrži podatke o minimalnoj dužini cjevovoda i maksimalnoj visinskoj razlici, a što je traženo u opisu predmeta nabavke prema obrascu za cijenu ponude Aneks II, pa stoga iz dostavljenog dokumenta nije vidljivo da li roba ispunjava tražene tehničke specifikacije prema tački 13.1 tenderske dokumentacije.

Nadalje, Komisija je utvrdila da ponude ponuđača: "A/C SERVIS" GOLEMOVIĆ BOJAN S.P. Banja Luka, "ENERGO CENTAR" d.o.o. Laktaši, „IMTEC“ d.o.o. Sarajevo i "INTER-COM" d.o.o. Zenica ispunjavaju sve zahtjeve ugovornog organa u formalno-pravnom, ekonomskom i tehničkom smislu, te da su iste za ugovorni organ prihvatljive.

Dana 07.09.2026. godine sa početkom u 09:50 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 66/15), započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju na e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	"A/C SERVIS" GOLEMOVIĆ BOJAN S.P. Banja Luka	4509934260001	5.982,00	3
2.	"ENERGO CENTAR" d.o.o. Laktaši	4404194620002	5.970,00	2
3.	„IMTEC“ d.o.o. Sarajevo	4200918780002	5.982,00	3
4.	"INTER-COM" d.o.o. Zenica	4218087760006	5.910,00	1

Aukcija je okončana dana 07.09.2026. godine u 10:02 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	"A/C SERVIS" GOLEMOVIĆ BOJAN S.P. Banja Luka	4509934260001	4.799,00	19,78%	1
2.	"ENERGO CENTAR" d.o.o. Laktaši	4404194620002	5.970,00	0,00%	2
3.	„IMTEC“ d.o.o. Sarajevo	4200918780002	5.498,00	8,09%	3
4.	"INTER-COM" d.o.o. Zenica	4218087760006	4.700,00	20,47%	4

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a u KM	Popust	Početna cijena ponude bez PDV-a u KM sa popustom (prije e-aukcije)	Konačna cijena ponude bez PDV-a u KM sa popustom (nakon e-aukcije)	Rang
"A/C SERVIS" GOLEMOVIĆ BOJAN S.P. Banja Luka	5.982,00	NE	5.982,00	4.799,00	2
"ENERGO CENTAR" d.o.o. Laktaši	5.970,00	NE	5.970,00	5.970,00	4
„IMTEC“ d.o.o. Sarajevo	5.982,00	NE	5.982,00	5.498,00	3
"INTER-COM" d.o.o. Zenica	5.910,00	NE	5.910,00	4.700,00	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena". Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "INTER-COM" d.o.o. Zenica, odabran je na osnovu ponudene cijene u iznosu od 4.700,00 KM bez PDV-a, u koju je uračunat popust ostvaren na E-aukciji u iznosu od 20,47%.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa, u pisanoj formi direktno, elektronskim putem, ili preporučenom poštanskom pošiljkom. Žalba se podnosi u najmanje 3 (tri) primjerka.



DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-